

prius per confessionem propria studeant errata corrigere, qui aliis volunt errorem consitentibus subvenire.

CAPUT V.

Quod communio vitæ unionem spiritus et rectitudinem parat.

Quapropter, charissimi, si vultis in populo Dei, quibus ad exemplum præpositi estis, inter quos lucetis quasi luminaria in mundo, verbum vitæ continentis; si vultis, inquam, inter eos animarum lucra conquerire, si errantes ad religionis libet rectitudinem provocare, in vobis metipsis prius, si qua sunt, obliqua dirigite, et ad scholam Christi simul convenientes, in communione vitæ et unione spiritus concorditer permanete. Non inter vos divisione sit domorum, non scissura mentium, non diversitas facultatum. Memento semper, quia de sectis lapidibus altare reprobavit Deus: « Si enim levaveris, inquit, super eum cultrum tuum polluetur (*Exod. xx.*) ». Secti quippe lapides sunt, qui fraternalæ societatis consorium respiciunt; qui vivere cum fratribus, et conversari concorditer nolunt. Tales autem Christus in suo non recipit corpore, quos a membrorum suorum sectos judicat unitate. De illis porro lapidibus altare est potius fabricandum, quibus Petrus dicit apostolus: « Et ipsi tanquam lapides vivi superædificamini domus spirituales (*I Petr. ii.*) ». Cui videlicet domui ille fundamentum est, præter quod non potest aliud ponи (*I Cor. iii.*); ille summa-tas, qui factus est in caput anguli. (*Psal. cxvii.*) Præterea nunquid otiose præcipit Dominus: « Nolite, inquit, thesaurizare vobis thesauros in terra, ubi ærugo, et tinea demolitur, et ubi fures effodiunt, et furantur? » (*Matth. vi.*) Quis, quæso, hujus mandati

A sententiam teneat, si hanc clericus non observat? Nunquid conjugati, qui filios nutriendi, qui Deo decimas ex ipsius auctoritate persolvunt? « Qui enim offert, ut Paulus ait, necesse est eum aliquid habere quod offerat (*Hebr. viii.*) ». Deinde quomodo poterit in choro quis psallentium constitutus, cor fixum in oratione tenere, qui de loculis et **519** capsidilibus, ne audax advolet manus, exco-gitat? de apothecis, et horreis, ne suribus famulentur, addubitat? ne non seræ minus fideles obseruant, atque de surum semper obrepentium irruptione formidat? Ego autem forsitan mentior, sed nunquid Veritas poterit mentiri, quæ dicit: « Ubi est thesaurus tuus, ibi est et eorū tuum? » (*Matth. vi.; Luc. xii.*) Et forte tolerabilius censeretur, si in suis penetralibus officia divina peragerent, ac non longius laborantes, ibi Deum quærerent, ubi peculia custodirent; ut cum illis diceretur: « Ubi est thesaurus tuus, ibi est et eorū tuum; » non incongrue subderetur: ubi est etiam Deus tuus?

520 Sed quoniam res hæc non ridenda est, sed dolenda, obsecro vos, dilectissimi mihi fratres, et domini, nolite, quæ suggestimus, parvipendere, sed in schola vos Christi sub disciplina sancti Spiritus congregate; quatenus ipse nobiscum nunc, et usque ad consummationem sæculi (*Matth. xxviii.*), sicut est pollicitus, maneat, et ad Patris sui gloriam felici postmodum vos remuneratione perducat. Quibusdam forte displiceam, quia dum alios intra regularis vitæ limitem compescere gestio, ipse modum compendii epistolaris excedo. Sed optime compensatur, si arguitur imperitiæ scriptor, dummodo proficiat sapienter auditor.

Sit nomen Domini benedictum.

521-522 OPUSCULUM VICESIMUM OCTAVUM.**APOLOGETICUS MONACHORUM ADVERSUS CANONICOS.**

ARGUMENTUM. — Queruntur monachi, quod a cœtu totius Ecclesiæ per canonicos exclusi fuerint, cum ipsi ab apostolis, imo a prophetis suam traxerint originem. Severe quemdam arguunt, qui ausus est dicere: A monachis Ecclesiæ sacramenta nullo pacto esse ministranda. Denique exemplo saeculorum Augustini, Hieronymi, Athanasii et decreto Bonifacii papæ IV probant ligandi et solvendi potestatem monachos habere.

Cunctis amantissimis clericis ac canonicis, omnes unanimitate monachi.

Multum, fratres charissimi, si digni estis audire, miramur, quomodo vel ob quam causam conaniminos a consortio et unitate universalis Ecclesiæ separare: cum constet a monachis, non a canonicis universalem Ecclesiam fundatam, gubernatam et a diverso errore cibratam. Apostoli nempe fundatores, et rectores Ecclesiarum nostro, non vestro more vivebant, ut Lucas evangelista in Actibus apostolorum refert (*Act. i.*): et Philo disertissimus Judæorum, in libris quos in laudem nostrorum co-

D scripsit, primitivos Christianos monachos, non canonicos vocat; et habitacula eorum monasteria nuncupat ac quamplurima dicit, eos laudabilia egisse, et conscripsisse. Certe nostri, non vestri ordinis Moyses et Elias fuere (*Exod. iii.; III Reg. xvii.*), eremum qui incosuerent: nostri auctores greges prophetarum cum quibus reprobus Saul saepe cantavit (*III Reg. xix.*). Longum est paginas Veteris Testamenti revolvere, veniamus ad Novum, quod supra reliquius. Apostolos certe, et successores eorum, si irreverberatis oculis paginas novi instrumenti percipitis, monachico non canonico more vi-

vere invenietis, eisque potestatem ligandi atque solvendi (*Matth. xviii.*) concessam a Domino procul dubio reperietis. Quod si ita est, imo quia ita est, cur nos ab hoc privilegio separare conamini? Nescitis, quia quibus dixit Apostolus: Mortui enim estis, scilicet mundo (*Coloss. iii.*): eisdem dixit in alia Epistola: Nescitis, quia angelos judicabimus, quanto magis sacerdotalia! (*I Cor. vi.*) Ergo si, sicut vos dicitis, mundo mortui sumus, scilicet vitiis, et peccatis, non erubescimus, quia idem Apostolus dicit: « Si autem mortui sumus cum Christo, credimus quia simul resurgemus cum ipso (*II Tim. ii.*; *Rom. vi.*); » itemque: « Mihi vivere Christus est, et mori lucrum (*Philipp. i.*); » et in alio loco: « Vivo autem, non jam ego, vivit vero in me Christus (*Gal. ii.*). » Sed ne turbarentur, qui se toties mortuos audissent, ait: « Nescitis quia angelos judicabimus, quanto magis sacerdotalia! » (*I Cor. vi.*) Ecce nostra libertas. Quare? quia idem Apostolus dicit: « Ubi spiritus Domini, ibi libertas (*II Cor. iii.*). » Vae ergo nobis et vobis, si mortui non fuerimus mundo. Si igitur mortui sumus mundo, et vivimus Deo, probabimus vos per omnia esse mentitos; quia dicitis: Nos ob hoc, quod mortui sumus mundo, non posse dispensare ecclesiastica. Sed quid vos extollitis? Recolite principia nostra, et vestra; et ex auctoritate Patrum, cui plus competat, collyriato lumine perjudicet.

CAPUT PRIMUM.

Conquestio monachorum de canonicis.

Contra vos itaque multum conquerimur, quia quidam vestrorum ausus fuit temerario ore dicere: A monachis nullo modo communionem esse recipientes; insuper etiam suscipientes excommunicavit, et in opprobrium nostrum, imo in condemnationem suam, et illorum recomunicare præcepit. Sed quid contra illum? Scimus, quia pene idiota est, et multorum criminum rens; ideoque juxta Salomonem, vitamus stulto respondere juxta stultitiam suam, ne similes ei efficiamur (*Prov. xxvi.*). Sed, ne videamur succubuisse, respondere volumus stulto, ut idem Salomon admonet, juxta stultitiam suam, ne sapiens sibi esse videatur (*Ibid.*): et patenter ostendimus eum in rebaptizatorum sectam miserabiliter corruisse. Sed non mirum, si odium fraternalium hoc promeruit; cum Joannes 523 Apostolus intonet, dicens: « Quiodit fratrem suum, in tenebris est, et in tenebris ambulat, et nescit quo eat; quoniam tenebræ obsecaverunt oculos ejus (*I Joan. ii.*). » Sed ne longius toxica illius veneni serpent, manifeste ostendimus antecessoribus nostris præ omnibus clericis, hæc sacramenta licita suis coartare, et dispensare; sicut in vita B. Martini legitur, quod de vino a quodam anachoreta consecrato, a maximis et venerabilibus viris pro benedictione expetebatur: ante cujus fores sæpe et episcopi, et comites benedictionis gratia pernoctarunt. Telesphorus denique apostolicus ex anachoretis suis comprobatur; Dionysius etiam, et Adeodatus, ac Stephanus nuper defunctus, ex monachis suis leguntur, qui tamen apostolicam secundum glo-

A riosissime gubernarunt. Gregorius ex monasterio raptus, ac violenter insulatus, non solum suas protulit, sed etiam dispositiones aliorum meliorare studuit: Num etiam Martinum Turonensem omitendum putatis, cui astanti sacramento divino globus igneus apparuit? Forsan ex istorum manibus quia monachi fuerant, percipere sacramenta divina quisquam insanus prohibuit? Absit. Facebat ergo insana et proterva doctrina, et sanctorum Patrum sequatur auctoritas, quæ etiam ex cujuscunque sacerdotis manibus sacramenta divina, non solum percipere, sed etiam deditantes suscipere ab ecclesia separat, si tamen sacerdotes rectæ fidei fuerint. Sufficient ista contradicentibus.

CAPUT II.

Quod sacramentorum administratio monachis præ omnibus clericis licita fuerit.

B Sed quia nimis periculosum est omnimescere velle, introducimus et alios testes, Basilius scilicet, Athanasium, et Augustinum, nec non et Hieronymum sacræ legis interpretem, Marinianum quoque Ravennatem episcopum, et Augustinum Anglorum præsulem, quos nulli dubium est monachos suis. Nunquidnam Romani præsules, quos prædicti vel isti, quos nunc retulimus, quia monachi fuerunt, minus laudabiles habiti sunt? Non utique. Forsitan episcopos, presbyteros, diacones non ordinarunt, quis insanus audeat dicere? An forsitan poenitentiam criminosis non imposuerunt, et absolutionem, ut competebat, benignissime non addidere? Utique facere potuerunt.

C Nunc igitur requirite sancta octo concilia, 524 et maxime sextum, et septimum concilium; ibique invenietis monachis licitum suis disputare, absque ullo scrupulo in conspectu concilii super omnes qui aderant. Sed jam sufficient.

D Veniamus ad consecrationem, quam, dispensante Deo, per episcopos accepimus. Nunquid nos aliter, quam canonici consecramur, quis insipiens audeat dicere? Nemo. Nam utrisque in commune benedictionem a Domino infundi episcopus omnime depositit. Et dum consecrat sigillatum, omnime depositit cunctis sacerdotibus, dicens: Consecrantur, Domine, manus istæ, ut quidquid benedixerint, benedicta sint, et quidquid consecraverint, consecrata sint. Ecce communis benedictio. Unde ergo divortium? Lougum est ista prosequi.

E Videamus nostrorum, vestrorumque vestimentorum figuram. Agite utrumque. Prophetæ et apostoli nostro an vestro vestitu usi sunt? Forsitan dicetis, nostro. Et ubi est illud, quod de Elia legitur: « Vir pilosus, et zona pellicea accinctus renibus (*J-V Reg. i.*); » et de ipso, et similibus Paulus dicit: « Circuierunt in melotis, et in pellibus caprinis (*Hebr. xi.*); » et de Joanne Baptista, Joannes evangelista: « Zona, inquit, pellicina circa lumbos ejus (*Matth. iii.*; *Marc. i.*); » Petro quoque angelus imperat: « Præcinge te, et calcea te caligas tuas (*Act. xii.*); » de Pauli quoque zona Agabus dixit: « Virum cujus

hæc zona est, Judæi in Hierusalem alligabunt, et A' torum Patrum instituti exemplis, quibus est periculum tradent in manus gentium (Act. xxi). » Horum ergo Patrum inquimenta nullatenus nominatim Scriptura poneret, nisi eis privatim usi fuissent. Quod si vobis dubium videtur, saltem vestrorum partium testimonio aurem accommodate. Legite collationes Patrum, quas Eucherius Lugdunensis episcopus eliminato sermone abbreyiare studuit; et si nobis crederé non vultis, saltem illius litteræ credite. Nam nos, ex doctore, hanc paginam exaravimus. Igitur non solum prædictos Patres in vestitu sequimur, sed insuper sublimissimam cœlorum curiam, quod vobis durum est audire. Seraphim scilicet, quis dubitet sex alas habere? dicente Scriptura: « Sex alæ unæ, et sex alæ alteri (Isa. vi). » Enimvero et nos sex alis velamur, videlicet duabus in capite, et duabus dextera lœvaque, et duabus ante, et retro. Si autem hæc incredibilia vobis videntur, perquirite quod Bonifacius in nostrorum tuitione composuit; et si adhuc contrarie vultis, morum vestrorum ac vestimentorum auctores ex auctoritate Patrum edicite: et quod nobis apponitis, testimoniis probate: et si vita comes fuerit, altiora quam diximus, juvante Deo, dicenda sperate.

Sit nomen Domini benedictum.

525-526 DECRETUM BONIFACII PAPÆ.

Quod monachi presbyterii honore decorati, potestatem habent ligandi et solvendi. (Ab auctoritate Bonifacii IV, Pont. Max. 16, qu. 1, ap. Decr. Grai.)

• Sunt nonnulli nullo dogmate fulti, audacissime quidem, zelo magis amaritudinis quam dilectionis inflammati, asserentes monachos, quia mundo mortui sunt et Deo vivunt, sacerdotalis officii potentia indignos; neque pœnitentiam, neque Christianitatem largiri, neque absolvere posse per sacerdotalis officii divinitus sibi injunctam potestatem, sed omnino labuntur. Nam si ex hac causa veteres æmuli vera prædicarent, apostolicæ compar sedis beatissimus Gregorius monachico cultu pollens, ad summum nullatenus apicem concedeberet, cui quidem hæc ligandi solvendique potestas a Deo summa conceditur: Augustinus quoque ejusdem sanctissimi Gregorii discipulus, Anglorum præparator egregius: et Panponiensis Martinus beatissimus, cuius sanctitatis famam longe lateque diffusam totus personat mundus; alii quoque quamplurimi viri sanctissimi, pretiosissimo monachorum habitu fulgentes, nequaquam annulo pontificali subarrharentur. Sed quia monachi fuerunt, prædictis uti prohibentur? Neque enim B. Benedictus monachorum præceptor almisicus, hujus rei aliquo modo fuit interdictor; sed eos sæcularium negotiorum edixit expertes fore tantummodo (S BENED. Reg., cap. 4). Quod quidem apostolicis documentis et omnium sanctorum Patrum institutis, non solum monachis, sed etiam canonici maxime imperatur. Nemo enim militans Deo, implicatus negotiis sæcularibus (I Tim. ii). » Nos vero tan-

tosissimum refragari, credimus a sacerdotibus metachis ligandi solvendique officium, Deo operante, digne administrari, si eos digne contigerit hoc ministerio sublimari. Quod incunctanter affirmat quisquis statum monachorum et habitum potestatemque evidenter considerat. Verbi gratia, angelus Græce, Latine nuntius sonat. Sacerdotes igitur, monachi atque canonici, qui quotidie Dei præcepta populo nuntiant, angeli vocantur, ratione non incongrua. Sed unusquisque angelicus ordo, quanto claritatè Dei vicinius contemplatur, tanto majori virtute ejus divinitati adhærens, sine dubio robatur: eorum cherubim ordo eximus prædicatur, quorum figuram monachorum cultus competenter habere comprobatur. Nam uti cherubim, ita monachi sex alis velantur: Duabus quidem in capucio, quo caput tegitur; aliis vero duabus, quibus pedes teguntur, verisimilibus demonstratur assertionibus: Illud vero cucullæ, quod brachiis ostenditur, alias duas alas esse dicimus, et id tandem, quod dicitur, sex alarum numerum certissime impleri asseritur. Decertantes igitur monasticæ professionis presbyteros sacerdotali potentia arceri officio omni modo præcipimus, ut ab hujusmodi nefandis ausibus reprimantur in posterum, quia quanto quisque est celsior, tanto est et in his potentior.

Episcopus debet canere missam in ordinatione presbyteri, similiter et abbas in ordinatione monachi; quia remissio peccatorum est. Propter hoc relinquet rex regnum, et summus pontifex pontificatum, episcopus episcopatum, comes comitatum, et multi divites utriusque sexus suas possessiones in sæculo, et veient in monasterium ad serviendum Deo. Absit ut monachus vivens sub regula vel abbatie, subjiciatur aliis hominibus. Nefas est dicere: Monachus non habet potestatem ligandi atque solvendi, ut quidam dicunt, quia mortui sunt. Vere mortui sunt huic sæculo; sicut sancti apostoli fuerunt. Nunquid sancti apostoli non habuerunt potestatem ligandi et solvendi, ex quibus unus dicebat: « Si enim mortui sumus cum Christo, credimus quia simul vivemus cum eo? » (Rom. vi.) Quis melius potest dicere, solvere vel ligare peccantem, quam qui solitus est a Deo a peccatis. Quis melius valet animas dare Deo, quam ille qui proximus est ei? Qui dentes hujusmodi stridunt circa monachos, infelices sunt, et verba eorum vana. Sed audite cur talia dicunt. Lex enim dicit: Si quis clericus in adulterio vel in aliquo crimine fuerit deprehensus, aut ipse confessus, aut ab aliis revictus, juxta concilia trecentorum decem et octo Patrum, ad honorem non potest redire, nisi per dignam pœnitentiam. Ex qua re multa ira et invidia inflammati circa monachos, vel circa catholicos viros die noctuque optant insidias invenire, qualiter possint eos injuste illaqueare. Qui enim sua peccata nullatenus valent purgare, quomodo possunt aliena dimittere? Nunquid potest cæcus cæcum ducere? Itaque

qui res vel honores Ecclesiae subtrahere voluerit, A et sequi Deum, qui dicit: « Venite ad me, omnes apathemam sit. Quid ultra dicam? Convertimini, et et ego vos requiescere faciam» (*Math. xi*). Sit nomen Domini benedictum.

527-528 OPUSCULUM VICESIMUM NONUM.

DE VILI VESTITU ECCLESIASTICORUM.

ARGUMENTUM. — Mainardo abbatii qui pretiosioribus vestibus indui consueverat, ostendit quam sit ecclesiasticis viris, et praesertim monachis indecorum, vestimentorum speciositatem appetere. Multa quoque ex sacris litteris de prompta-exempla adducit, ex quibus manifeste probat Deo hujusmodi vestium pompa invisam esse: cum omnes sancti tam Veteris quam Novi Testamenti, et ipse etiam Christus, viliore vestitu uti non erubuerint.

Domino MAINARDO fratri charissimo, PETRUS pectorum monachus salutem in Domino.

Tentatis et competenter adhibitis omnibus medicinæ generibus, si languidus obeat, non est unde medicum conscientia reprehendat. Fecit enim omne quod potuit, qui cuncta quæ decent Archigenem, curationum argumenta persolvit. Dum is ergo qui febricitat moritur, qui curandi munus impleverat, criminè non tenetur. Nam, quod suum erat, industriam artis exhibuit, atque ideo calumniæ non patet. Diu jam, frater, est, ex quo tibi pretiosarum vestium æstus incanduit, et, ut ita loquar, ambitio-nistæ viscera tanquam lethiferæ febris ardor excoxit. Ego autem tibi velut medicus, licet imperitus, et oleum lenis atque suavis admonitionis adhibui, et austerae correptionis vinum frequenter infudi. Nec Scripturam tibi defuere pigmenta, quarum sententias dum exponere studui, veiuū aromaticas tibi species pindere [pandere] non cessavi. Et quoniam ego cum cæteris fratribus, vilibus coram te fuimus contenti semper exuviis, dum feci prius ipse quod monui, quasi prius antidotum bibi: sicque te ad bibendum quod propinaveram provocavi. Sed et cauerterum postremo adusionis impressi, dum nitor vestium ignes tartareos minitans, intentavi. Annon adusionis ferrum divitibus imprimebat Jacobus, cum et hic vestes tineis, et illuc carnes incendiis obnoxias perhibebat, dicens: « Agite nunc, divites, et plorate, ululantes in miseriis vestris, quæ advenient vobis. Divitiae vestrae putrefactæ sunt; et vestimenta vestra a tineis comesta sunt, aurum et argentum vestrum æruginavit, et ærugo eorum in testimoniū vobis erit, et manducabit carnes vestras sicut ignis (*Jac. ii*). » Metallum quippe, quod nunc per avaritiam possidetur, tunc in laminas vertitur: et caro, quæ nunc sucatis vestibus adornatur, flamma postmodum stridente perficatur. Annon medicinale ferramentum ambitioni vestium etiam Salvator approsus, cum divitem byssō ac purpura decoratum flammis infernalibus ardere prohibuit? (*Luc. xvi*) Scriptura quippe teste, nihil aliud in hoc divite reprehendit, nisi quia sub nitorē vestium etiam sine misericordia legitur splendide convivatus. Quanquam

B et in ipso indumenti cultioris ornatu, sine dubio vanæ gloriæ deprehenditur appetitus. Nemo quippe illic anhelat pretiosis vestibus indui, ubi alienus eum aspectus nequeat intueri. Sed ad hoc quisque cultioribus indumentis enitescere concupiscit, ut se mirantium nitidulus oblectet aspectum, ut alienorū pascat illecebras oculorum; sed dum mulcet oculos extrinsecus intuentum, interni judicis offendit obtutum.

CAPUT PRIMUM.

Quibus vestibus S. Ecclesia delectetur

Solent plane potentes sæculi phaleratis obsequentiū induviis delectari, praesertim si metatores hospitii sint mirabiles, si præambuli quique diversi cultus specie videantur insignes. Sed videamus metatorem Christi Joannem, attendamus regis egrium præcursorē: qui nimirum præcivit eum in spiritu et virtute Eliæ (*Luc. i*), ut converteat corda patruin in filios, et incredulos ad prudentiam justorum. Perpendamus itaque, imperator cœli et terræ, quibus prævii metatoris suis vestibus delectetur; sed, Evangelio testante, cognoscimus quia vestimentum ejus pilis inhorruerat camelorum. De 529 quo Salvator: « Quid, inquit, existis in desertum videre? hominem mollibus vestitum? Ecce qui mollibus vestiuntur in domibus regum sunt (*Matth. iii*; *Marc. ii*; *Luc. vii*). » Ac si manifeste prohibeat, quia non cœlestis, sed terreni regis digni decernuntur obsequiis, qui ad vanæ gloriæ nitorē accuratis ornari gestiunt indumentis. Mollibus quippe vestibus regalis aula; asperis et incultis delectatur

D Ecclesia. « Omnis enim gloria ejus filiæ regum ab intus (*Psal. XLIV*): » Ecclesia siquidem, vel quæque fidelis anima, quæ et ipsa sanctorum apostolorum est filia, non extrinsecus enitescere, sed ornata gaudet in occulti judicis obtutibus apparere. Nec oblectatur suæ pulchritudine vestium, sed rutilantium gloriatur varietate virtutum. De qua etiam varietate Scriptura prosequitur: « In simbriis aureis circumamicta varietate (*Ibid.*). » Vis audire varietatem vestium, quæ cœlestis sponsi delectat aspectus? Anima certe niyæ castitatis candore conspicua, ante Dei omnipotentis oculos spirituali byssō, sive collobo videtur induta: hæc etiam dum flamma servidæ